

AKHBAR : UTUSAN MALAYSIA

TARIKH : 08 OKTOBER 2021

KERATAN AKHBAR

Sinergi Air Selangor, LUAS lindungi sumber air



USAHA perlindungan sumber air mentah daripada pencemaran dilakukan menubuhkan Pasukan Khas Lembangan Dan Alur Air (PAKAR) bagi menyokong inisiatif LUAS. - Gambar Air Selangor

SHAH ALAM: Pengurusan Air Selangor Sdn. Bhd. (Air Selangor) menubuhkan Pasukan Khas Lembangan dan Alur Air (Pakar) bagi menyokong usaha memelihara sumber air daripada pencemaran yang dilakukan Lembaga Urus Air Selangor (LUAS).

Menurut Pengarah merangkap Ketua Operasi Air Selangor, Abas Abdullah, Pakar akan membantu LUAS dari segi memantau kualiti air sungai secara berjadual.

“Jika Pakar menemui punca pencemaran, keutamaan kami adalah untuk memastikan pencemaran tidak sampai ke muka sauk loji rawatan air.

LEMBAGA URUS AIR SELANGOR
(UNIT KORPORAT)

“Kita akan segera memaklumkan kepada pihak berkuasa berkaitan seperti LUAS, Jabatan Alam Sekitar, Suruhanjaya Perkhidmatan Air Negara (SPAN) dan Pihak Berkuasa Tempatan (PBT) bagi membantu proses mengawal pencemaran serta menjalankan penyiasatan bersama jika diperlukan,”katanya.

Beliau berkata demikian dalam segmen ‘You Ask We Answer di Facebook Air Selangor.

Dalam segmen tersebut, pakar-pakar subjek dari Air Selangor akan menjawab soalan yang dikemukakan pengguna terutama berhubung isu gangguan air tidak berjadual akibat pencemaran sumber air.